



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Alexander Magnvs Apvd Inferos; Designat loca in globo, & radio tractus mundi distinguit. Scena, siuè specimen versus Iambici ad Tragœdiam. Ode XX.

urn:nbn:de:hbz:466:1-13378

Purpureæ pars clara togæ, selegit eundem
 Causis patronum quamlibet iuuenem suis.
 Felix, qui domino potuit placuisse supremo;
 Plusquàm probatum Delphico felix caput!
 Iam propè sollerti trigesima vertitur ætas,
 Et Barberinum sustinet linguâ decus.
 Per varios casus, per mille negotia tractus,
 Romana passim quæ ministrat curia,
 Ah, VAL, vt sapiens usu es! nil Nestoris annis
 Debes, diuquè fallis oraculum Dei.
 Grande animi precium, dignumquè laboris honorem
 Dudùm refuso Pontifex dedit sinu.
 Murice mōx etiam Tyrio - Sed mordeo labrum;
 Tacenda duplice vota sub clauī latent.

ALEXANDER MAGNVS
 APVD INFEROS;

*Designat loca in globo, & radio tractus mundi
 distinguit.*

*Scena, siuè specimen
 versus Iambici ad Tragœdiam.*

ODE XX.

TAcitè subactas orbis angusti plagas
 Peragrarè vel sic fictili in spherâ iuuat;
 Nostro eruentus Marte quæ limes soli
 Minora votis spatia, & Phœbi breues
 Viriusque metas calle purpureo secat.
 Hic, fabulosi nobilis plectri labor,
 Cecidère Thebæ; Græcia hîc supplex suas
 Mihi strauit vltro laureas. Maior vocat
 Hinc ordo rerum, parquè Alexandro decus.
 Granicus, auspex imperi nostri, vadis
 Adhuc cruentis stragis en agrè suæ
 Monumenta volvit. Illus hîc fauces sinu

Pandit

Pandit reducto, & nobiles cœlo inferunt
 Tropæa rupes nostra. Quin oculos subis
 Arbella, Persis nomen horrendum? iuuat,
 Iuuat tueri: ferta victrici comæ,
 Date ferta, Diui, laurea. Hoc cecidit loco
 Decus Orientis, Martis Eoi timor;
 Mæcedumquæ virtus veteris augustum imperi
 Insigne Medis rapuit. Euphrates sono
 Minore ripas pulsat, & trepidas vadis
 Molitus vndas nuncium Europæ refert
 Ruentis Asiæ. Hic Armenos Tygris pater,
 Bagradasquæ Persas cladis acceptæ monent.
 Septena Nilus ostia en petijt fugâ;
 Oxusquæ, & aureis gemmifer lambens aquis
 Campos Hydaspes, cornibus fractis procûl
 Mœstum remotis occulunt terris caput.
 Ipse Indus arma pubis AEmathiæ tremat,
 Claroquæ Ganges dona victori exhibet.
 Iterumînè longo pertinax bello Tyros
 Recursat oculis? cerno Mallorum mihi
 Pudenda quondam mœnia? Heu, regum parens
 Babylon, nouerca mihi! quæ Alexandrum mori
 Sola docuisti, gloriæ cursum inclytæ
 Morata fractis fraude Myrtoâ rotis.
 O fors maligna! cernis hoc, genitor, nefas?
 Frœnator orbis, dux Alexander ducum,
 Cœli propago, gentis Arsacidûm tremor,
 Dominusquæ regum, flore succisus iacet
 Viridis iuuentæ? quiquæ tot acies nigrum
 Misi sub Orcum, turgidus Baccho, Stryge
 Ereboquæ mergor, triplicis opprobrium Deæ,
 Quota pars Enyûs orbis exigui vacat
 Ignara nostræ? cœlitum inuidit meis
 Inimica votis ira, sperato vnicum
 Pressisse mundum Martis inuicti iugo.